

NOUEL ! NOUEL !

*Don : Noël, Noël, la garantie.
Cri d'espérance.*

DISKAN :

Nouel, Nouel, o noz evuruz,
Salver ar bed deu da c'henel ;
Mari Gwerc'hez zo Mam da Jezuz.
Kanomp laouen : Nouel ! Nouel !

Perag dre ar vro, perag ken braz levenez ?
Ar Mesias a deu var an douar.
Klêvit en Env kan dudius an Elez :
« Peoc'h d'an dud, ha da Zoue, Gloar ! »

N'ér c'hlaskit ket en eur palez lugernuz,
En eur c'havel fleuriet hag alaouret ;
Eur c'hraou dister eo palez ar Roue Jezuz,
E c'hoard enor, pastored, loened.

Dre garantez evidomp-ni, pec'herien,
En deuz choazet eur stad paour ha dister.
Kerzomp gant joa en hent striz ar binjen,
Hent an Envou merket gant hor Salver.

Deomp Kristenien, deomp oll d'en em erbedi
Oc'h Jezuz zo var dron ar baourentezez ;
Roomp d'ezan gant Joseph ha gant Mari
Kement hon deuz : hor c'halon, hor buez.

NOUEL NEVEZ

Ton : *Jadis en Armorique.*

DISKAN :

*En noz-ma ken dudiuz,
Gant Elez an envou.
Kanomp d'ar Mabik Jezuz
Kanomp hon Nouelou.
Gant eur galoun birvidik.*

*Kanomp :
Gloar, henor d'ar Bugelik
Ganet evidomp.*

*Ar Messias gortozet
Abaoue pell amzer
E Bethleem zo ganet
En eur c'hraouik dister.
Dezhan he Vamm'doa klasket
Goudor,
Mes, e kær, n'he doa kavet
Neb lec'h dor zigor.*

*He Vamm neuze a rankas
Mont d'eur c'hraou da loja.
Eno, siouaz ! e teuas
Er bed Mestr ar bed-ma.
Eun druez oa he velet
Paour kez !
En dro dezhan ne gavet
Nemet dienez.*

*Ar c'hraou oa eul lec'h diskloz
Ha diskempenn ha yen ;
Mad evit lec'h a repoz*

D'al loened mud hebken.

Eno ez eo koulzkoude
Ganet

Hor Zalver, guir Vab Doue
Vidomp inkarnet.

Kerkent ha ma 'z eo ganet,
Ha Jozeph ha Mari
Dirazhan zo daoulinet
Gant feiz, d'hen adori.
Ar bugelik a gavont
Dister ;

N'euz forz ; ennhan e velont
Doue, hor Zalver.

Me vel he zaouarnigou
Savet varzu ennomp ;
M'her guel, a dreuz he zaelou.
O vousc'hoarzin ouzomp.
Piou eta, piou a helfe
Revuz

Karet euz he holl ene
Ar Mabik Jezuz ?

O na kaera burzudou
En noz-ma digouezet !
Eun El a gas ar c'helou
D'eur rummad pastored.
« Arabad d'eoc'h, emezhan,
 « Krena ;
« Henoz deoc'h e tigassan
« Eur c'helou a joa.

« Henoz. e kærik David,
« Eo ganet ho Salver,
« An hini a c'hortozit
« Abaoue keit amzer.
« C'hui a gavo gourvezet
 ‘Neur c'hraou
« Eur bugelik prizouniet
« N he vaillurop. »

Ha kerkent, gant an El-ma,
Elez all a vanden,
Dre an oabl, en em laka
Da gana evelhen :
« En Ee, henor da Zoue
 ‘Ha gloar !
« D'an dud a wir volonté
« Peoc'h var an douar ! »

Pa 'z eo nijet ac'hano
An Elez beniget,
Ar bastored etrezho
Raktal ho deuz laret :

« Da Vethleem deomp buhan
Redomp,
« Evit guelet hon unan
« Ar pez a glevomp. »
Gant prez, d'al lec'h zo merket
Ar bastored a ia ;
Hag, e c'hiz m'ho deuz klevet
Ema var ehun pep tra.
Jozeph. Mari 'deuz kavet
 Eno,
Hag eur bugel gourvezet
Var eun tam kolo.

Poulzet gant eun nerz divin
Gant ho feiz birvidik,
Raktal ez eont d'an daoulin
D'adori ar Mabik.
Adoromp holl eveldho
 Jezuz,
Ha diganthan hor bezo
Grassou talvouduz.

J. B.



Impriatur :

Corisopiti, die 30^o novemb

A. Cognau
Niz.-gen